

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

Stručna služba za zajedničke poslove

Broj: 17-14-36456-42

Sarajevo; 28-02-2017 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst), u skladu sa Rješenjem o usvajanju žalbe jednog od ponuđača u postupku broj: 17-14-36456-33 od 15.02.2017. godine, a na preporuku Komisije za ustupanje usluga u ponovljenom postupku evaluacije ponuda za ustupanje usluga dezinfekcije, dezinsekcije i deratizacije objekata Kantona Sarajevo u 2017. godini za LOT 1 – Usluge dezinfekcije i uništavanje štetočina, putem konkurentskog zahtjeva za dostavu ponuda (Zapisnik o pregledu i ocjeni ponuda broj: 17-14-36456-41 od 27.02.2017. godine, načelnik Stručne službe za zajedničke poslove Kantona Sarajevo, d o n o s i:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za ustupanje usluga u ponovljenom postupku evaluacije ponuda za javnu nabavku za ustupanje usluga dezinfekcije, dezinsekcije i deratizacije objekata Kantona Sarajevo u 2017. godini za **LOT 1 – Usluge dezinfekcije i uništavanje štetočina**, putem konkurentskog zahtjeva za dostavu ponuda i dodjeljuje se prvorangiranom ponuđaču „**SANITACIJA**” d.o.o. **Sarajevo**, prema dostavljenoj ponudi broj: 01-01/17 od 06.01.2017. godine u vrijednosti od **1.766,70 KM**.

Član 2.

Prijedlog ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač nije dužan dostaviti originalne dokaze ili ovjerene kopije po članu 45. stav (1) tačka a) do d) jer je u svojoj ponudi dostavio originalne dokaze. Izabrani ponuđač je dužan dostaviti originalne dokaze ili ovjerene kopije po članu 47. stav (1) tačka c, jer je u svojoj ponudi dostavio obične kopije za član 47. ZJN, u roku od 10 (deset) dana, nakon što bude obaviješten od strane Ugovornog organa o rezultatima postupka nabavke, a u skladu sa protekom žalbenog roka i u skladu sa odredbama tenderske dokumentacije. U slučaju da izabrani ponuđač propusti da dostavi originalne dokaze ili ovjerene kopije u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, [www:http: sszp.ks.gov.ba](http://www.sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-36456 od 28.12.2016. godine – Ustupanje usluga dezinfekcije, dezinsekcije i deratizacije objekata Kantona Sarajevo u 2017. godini. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke za LOT 1 – Usluge dezinfekcije i uništavanja štetočina bez PDV-a iznosi 26.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1230-7-2-90-3-62/16 dana 29.12.2016. godine u 15:33 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima : 1. "SANACIJA 3D" d.o.o. Sarajevo; 2. "SANITACIJA" d.o.o. Sarajevo; 3. "ZDRAVA SREDINA" d.o.o. Sarajevo; 4. "DERATIZER" d.o.o. Sarajevo. Rok za dostavu ponuda bio je 09.01.2017. godine do 11,00 h. Za navedenu javnu nabavku u predviđenom roku i uredno zatvorenim kovertama, dostavljene su ponude od sljedećih ponuđača:

R.br	PONUĐAČ
1.	"DEZITOX - SANITARCI" d.o.o. Sarajevo, ul. Hajrudina Šabanije br. 10G 71 000 Sarajevo
2.	JU INSTITUT ZA ZDRAVLJE I SIGURNOST HRANE, Zenica, ul. Fra Ivana Jukića br. 2 72 000 Zenica
3.	"SANITACIJA" d.o.o. Sarajevo, ul. Malta br. 17 Sarajevo, 71 000 Sarajevo
4.	"SANACIJA 3D" d.o.o. Sarajevo, ul. Dr. Kasima begića br. 23, 71 000 Sarajevo
5.	"KRISTAL" d.o.o. Sarajevo, ul. Džemala Bijedića br. 135, 71 000 Sarajevo
6.	"DERATIZER" d.o.o. Sarajevo, ul. Čemaluša br. 6, 71 000 Sarajevo

Na osnovu žalbe ponuđača "SANITACIJA" d.o.o. Sarajevo, a u skladu sa odredbama rješenja o usvajanju žalbe broj: 17-14-36456-33 od 15.02.2017. godine, Komisija je izvršila ponovnu evaluaciju ponuda.

U skladu sa Odlukom o pokretanju postupka, Komisija za ustupanje usluga formirana Odlukom broj: 17-05-30813 od 19.10.2016. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-36456-41 od 27.02.2017. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda šest (6)
- da je blagovremeno zaprimljeno ukupno šest (6) ponuda
- da nema neblagovremeno zaprimljenih ponuda
- da su ponude ponuđača "DEZITOX - SANITARCI" d.o.o. Sarajevo, JU INSTITUT ZA ZDRAVLJE I SIGURNOST HRANE Zenica, "SANITACIJA" d.o.o. Sarajevo, "SANACIJA 3D" d.o.o. Sarajevo i "DERATIZER" d.o.o. Sarajevo, formalno-pravno ispravne, odnosno ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.

- da ponuda ponuđača "KRISTAL" d.o.o. Sarajevo nije formalno-pravno ispravna, odnosno ne ispunjava formalno-pravne uslove za učešće u kvalifikacijama, te je ista eliminisana iz daljeg postupka evaluacije ponuda. Naime, ponuđač "KRISTAL" d.o.o. Sarajevo dostavio je ponudu koja ne ispunjava uslove za kvalifikaciju /tehnička i profesionalna sposobnost/. Ponuđač je dostavio referens listu sa navedenih 15 ugovora, ali bez podataka za koje godine.

Dalje, dostavio je 3 potvrde o uspješnom ispunjenju ugovorenih obaveza za 2014., godinu za 2015. godinu, a u trećoj potvrdi nema podataka za koju godinu su izvršene usluge, što nije u skladu sa odredbama člana III. stav 1) tačka 4. tenderske dokumentacije, gdje je potrebno *"dostaviti referens listu o uspješnoj realizaciji minimalno 3 ugovora u posljednje 3 godine, za svaku godinu po jedan ugovor iz oblasti ustupanja usluga dezinfekcije, dezinsekcije ili deratizacije (2014., 2015. i 2016. godinu) a čija pojedinačna vrijednost na godišnjem nivou mora iznositi minimalno 10.000,00 KM i više. Kao dokaz se zahtijeva spisak izvršenih ugovora uz potvrdu koju da je druga ugovorna strana o njihovoj realizaciji ili izjava privrednog subjekta o izvršenim ugovorima uz predočavanje dokaza o učinjenim pokušajima da se takve potvrde osiguraju."*

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda – rang lista prihvatljivih ponuđača za postupak javne nabavke Ustupanje usluga dezinfekcije, dezinsekcije i deratizacije objekata Kantona Sarajevo u 2017. godini, za **LOT 1 – Usluge dezinfekcije i uništavanja štetočina** kako slijedi:

1. "SANITACIJA" d.o.o. Sarajevo	100,00 bodova
2. "SANACIJA 3D" d.o.o. Sarajevo	68,32 boda
3. "DEZITOX - SANITARCI" d.o.o. Sarajevo	55,33 boda
4. JU INSTITUT ZA ZDRAVLJE I SIGURNOST HRANE Zenica	29,00 bodova
5. "DERATIZER" d.o.o. Sarajevo	28,82 boda

U skladu sa kriterijem "ekonomski najpovoljnija ponuda" sa potkriterijima: cijena 80% i način plaćanja 20%, **ugovor se dodjeljuje prvorangiranom ponuđaču „SANITACIJA” d.o.o. iz Sarajeva, u ukupnoj vrijednosti nabavke 1.766,70 KM** i način plaćanja 180 dana. Za predmetnu nabavku će se zaključiti okvirni sporazum.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14). Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku. Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama. Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Pripremila: Samira Duraković, dipl.iur.
Kontrolisao: Sedin Kozadra, dipl.ecc.



Prilog:

1. - Zapisnik o pregledu i ocjeni ponuda broj: 17-14-36456-41 od 27.02.2017.godine

Dostaviti:

1. Svim učesnicima u postupku
2. a/a.